

知止齋詩集

知止齋詩集卷第十三

常熟 翁心存

古今體詩一百五首

起壬寅歷癸卯甲辰皆家居乙巳六月以後居張太夫人憂無

詩丁未九月服除戊申主講郡城紫陽書院己酉三月赴都作

題西疇春及圖集歸去來辭八十字

壬寅

征人倦行役歸棹乘輕流衡門雖可憩農事安得休策杖尋岫壑觀耘涉田疇春風吹微雲遐心相與留鄉園載登眇蕪翳成荒邱飛鳥去不息獨往將何求感時寓欣戚審世懷樂憂寄情琴酒內逍遙任天游

姚湘坡吏部福增居廬讀禮圖

刪書終桀秦禮變墨衰經風詩鄒以下祥祭思素鞞陵  
夸逮漢魏奪服混凶吉金革事無辟乃出陋儒說禮經  
日淪亡禮制久踰越不有純孝心疇正末俗失之子金  
閨彥聲華著朝列一朝賦蓼莪星奔慟銜恤淒淒禮廬  
風惻惻柱楣月駟隙景忽過馬鬣封已畢逝將從國政  
回軫朝

天闕裴裒邱壟下眷戀不忍別寫成風木圖魂夢遶幽  
室松楸厲哀響中夜助嗚咽春風從南來兵氣動溟渤  
西望關伯墟黃流駭蕩潏

至尊正宵旰羣策贊密勿行歌宣房成坐見妖氛豁聽

君援琴彈悲憤聲切切勛哉貽令名報

國在經術

挽蔣珠蹕

靈巖池館鎖蒼煙

謂雲泉刺史

又歎西堂失惠連罇酒遂虛

三徑月廳輪長息四禪天

君以末疾卒

藥鑪經卷高風在黃

閣青箱世澤延撒手竟歸兜率去維摩應伴散花仙

君歿

妾某氏自投池中以殉

寄鶴儕二首

蓋公堂下篠簷游初領山東第二州月照三山臨不夜

雲開千里見之罘

時新調諸城令

佩牛勸種琅邪稻跨鶴閒登

海岱樓想得玉盤盂正盛因風能寄一枝不  
尙父湖邊漲綠醅勝遊前度記追陪愁看白髮華顏改  
怕對青春笑口開惡歲應嫌無好語安邊不信少奇材  
年來花事闌珊甚休憶家山首重回

楊硯培明經希鈺以新茶蔬菜見餉賦謝

茗飲曾開鳳咮堂記邀八餅

賜頭綱十年參透能仁味未抵家山紫筍香

配鹽幽菽和春蔥冰燂香絲入手融莫羨季鷹歸去早  
年來江上怕秋風

挽龐星齋

早年文筆軼羣倫領袖南宮第一人射策初除仙吏籍  
牽絲重現宰官身棠陰成芟躬先瘁薤本當門俗自淳  
漫說武昌魚味好未遑坵鮓寄慈親

檀廬歸倚病纏綿骨立雞斯倍可憐幸我相逢剛一面  
與君小別竟千年魂驚海澨傳烽火夢繞瀧岡起墓田  
記得榻前嗚咽語祇應銜恨到重泉

曾韻琴焚香夜省圖

鼉更咽沈沈蟾魄光凹凹露泣覺樹滋蟲吟怨宵永羣  
囂息紛拏幽谷轉明靚沈寥天宇澄萬慮一以屏夜氣  
生道心秋空抱虛警妙香鼻觀通瞿然發深省嘗聞昔

賢誠去惡莫如猛遵塗識歷機畫地避語寗默思一日  
過賴汗媿孤影庶知蘧瑗非願學武公傲晦朔悲循環  
菀枯樂潛穎香燼聞曙鐘夢與白雲冷

荔峰俞壻屬書周句鐘詩於冊重系小詩

癸卯

寶氣千秋發清風七葉存琬戈文可證邢邑制同論牛  
斗妖氛煽波濤澣濬昏隱君三麓鼎憶著更銷魂

程石函玆遺照

桑柘陰陰白鷺飛水田如野學僧衣城南二頃終難覓  
太息毛錐作計非

瓜廬抱膝眼常青問字還邀載酒經一自童烏凋謝後

更無人過子雲亭

石函精小學  
二子早夭

白髮青裙拜女嬃

石函室余  
從姊也

朝霞瓊蕊感黃墟卅年遺

跡分明在認取盧鴻樾館圖

下酉荒蕪水沒砭年來氛祲滿滄江  
秋塋鬼唱臺城曲  
肯戀腴田四十雙

### 吳竹橋先生湖田書屋圖

人生局促羈塵網常夢家山發遐想  
誰似先生未出山  
先與山靈盟息壤歸來華髮未盈顛  
管領騷壇二十年  
先生由庚子庶常改禮  
部遂乞終養著書甚夥  
抽簪容易山難買絕少湖塹屋  
數椽憑空構出幽棲室  
眼底湖山手中筆鏤斷松筠不



肯歸輞川台笑王摩詰我亦閒居養拙宜結茅苦乏草  
堂賢滄江一卧風波惡長憶先生高隱時

盛芳亭花閒補讀圖

空堂幽幽冰簟鋪書城百雉環經郭移牀樹陰枕書卧  
廢學聲澀吹寒竽叩門乍驚襪襪客照眼忽覩招涼珠  
開函爽氣動豪素滿坐疑有清風俱長松謾謾響蕭瑟  
暗水激激流縈紆花閒把卷者誰氏似是山澤仙儒臞  
胸中積書無地曬聊作蠻語吟姬隅尙嫌渴日乏修綆  
假長補短忘其劬珠墳笙典理茫昧金鑲石室文繁蕪  
就令羈卯便強識能徧海內羣書無四十萬言臣朔誦

懷肉笑煞騶侏儒。圭慙負文不識解。頤工索平陵租。  
充箱照軫竟奚補。唇腐齒落毋乃迂。篋中半部祇論語。  
圯上一卷惟陰符。致身將相已足用。但仿屋角摹盤盂。  
而君屹屹胡爲乎。坐看霜雪盈頭顱。有時掩卷發遐想。  
補天無術空長吁。何不歸來傲几籛。撫松種鞠以自娛。  
春秋三傳束高閣。荆州八袞捐庖廚。不然焚書學王壽。  
不然著論稱潛夫。嚙言肯共鬼爭義。元解直與天爲徒。  
花開花落任代謝。獨以太素還眞吾。包山林屋花紛剪。  
靈威丈人冰雪膚。從君質取福地住。囊書更寫移居圖。

黃雲皋茂材春甲校獵圖

青霞竒氣欬然作射獵西山恣行樂紅粧玉貌馬如風  
颯爽英姿陋褻鄂黃生家住荒江隈豪情鬱律興雲雷  
綸巾按曲周郎顧樽酒譚兵杜牧才長楊奏賦空覆瓿  
孰識雄文似誰某年年低首事毛錐孤負平生射雕手  
竭來示我校獵圖素練漠漠開煙蕪圍場廣闊秋草枯  
耳邊恍聽饑鷹呼弓刀小隊絕代姝桃李綽約冰雪膚  
錦鞵窄袖紅襜褕玉鞍金勒鞭珊瑚丈人蛇矛丈二笏  
纖腰穩鞚汗血駒追躡狂兕剗封狐雲舒霞卷風霆驅  
就中一人閒且都巋巋三十頗有須從容盤馬彎雕弧  
星流電掣金僕鏢翻身一箭墜雙翼此手何如賈大夫

吁嗟乎子虛烏有閒譌諷胷中八九吞雲夢兵法何妨  
試婦人部勒森然真可用卽今白日龍鼉驕安得强弩  
迴江湖草間狐兔那足數何不徑斬長橋蛟

題唐半園鴛鴦荷花巨幀

甌香眞蹟今無價絕筆何人問半園難得清河書畫舫

斷縑殘罌一枝存

張吟樵明  
經所藏

雙雙彩翼柳邊過脈脈停雲思若何攜向南塘最深處  
怕聽秋雨蹋吳歌

陳韻亭春曉圖

夜來風雨惜花殘小坐科頭耐曉寒多少春人渾未醒

莫嫌老眼霧中看

照人朗朗若明珠  
夢筆清才鶴樣臞  
今日披圖知酷似

蕭侯定遜總持無

謂其甥江樹叔學博

題靜如太古圖

喬松挺貞柯  
幽石抱秋影  
何必入深山  
已覺靈臺靜  
漉我新熟酒  
摘我園中蔬  
長嘯傲羲皇  
古人復何如  
抗懷成鳩前  
極目飛鳥外  
瞿然歌唐風  
好樂無已太  
銀編走蛟蛇  
玉宇蟠螭虎  
莫向月中看  
今月不如古

張山人式與津里朱老昂之爲忘年交  
朱老歿山人得其書簞於牧豎手  
重加裝繕且來索詩

甲辰

清才世重張伯雨耆德今無朱澤民慨念平生弄遺墨  
江湖風義感斯人

蕭朗齋參軍源舊爲大庾尉吳江周陳之寶彝爲  
作管領寒梅圖

騷人舊領梅花國梅尉清風人未識自從載石賦歸來  
只有寒梅最相憶梅魂澹蕩詩情孤夢尋橫浦山有無  
好將周昉丹青筆爲寫蕭齋冷豔圖動搖懷袖香風在  
入手明珠發光彩想見巡檐索笑時嬌雲一片春如海  
我亦曾爲嶺嶠行索居江介尙縈情蠻烟蠻雨空悵悵  
慙愧當年宋廣平

邵冲友國錄淵耀縱葦圖

飽喫松江鱸，頓嚼同州羔。解衣卧聽赤壁賦，不如徑浮  
一葉傾醇醪。坡公去今七百載，山色江聲長不改。誰將  
幻相寫髯仙，跌坐澄觀大瀛海。髯乎髯乎，何絕倫眉宇  
秀發，酡顏春醉翁貌類。退之像君亦將毋，坡後身崔成  
雷。琴李委遂道士吹簫更淒激，一尊入手壓茅柴。何似  
歸來從婦覓，有酒須澆萬古愁。有書須載萬斛舟，勝地  
何必皆黃州。勝游何必皆清秋，羽衣豈唯夢孤鶴。雲車  
或者驂牽牛，天容海色本常淨。清風明月無時休，君今  
夸猶足洞瀋。莫向蓬萊問征路，眼底風波如此深。盜姑

尙父湖邊住銀山十二排空來濤頭蹴蹋滄江開旌旗  
鼓角秋聲哀老蜃噓氣成樓臺仲謀公瑾安在哉江山  
千古無奇才不須苦擊唾壺碎勸君飲竭東海生黃埃

黃雲皋問松圖

叱石可作羊折松聊代塵問石石點頭問松松不語  
蒲陶一斛酒曾換涼州符借問中山醪何如五大夫  
養成大廈材保此歲寒性獨坐萬峰顛寥天一聲磬  
閒卻射雕手

君有射雕圖

靜對蟠龍形且攜雅觥鋌從吾劇

茯苓

題朱景銘翁遺像



驄馬橋邊月城南幾度經樓高宏景宅君家有人識少  
微星遺蹟留樵筓浮蹤撫梗萍喬松森百尺髣髴見儀

游龍杖歌

吾師蕭山湯公致政留居京師闢舍後隙地爲圃雜  
植秋卉有蓼數十株高可丈許霜降後幹節勁直如  
會稽之竹箭公出新意製爲杖質堅而輕甚適於用  
公曰蓼一名水蓼卽詩之游龍也因名爲游龍杖作  
歌紀事貽書命賦之

少陵雙杖削桃竹高躡翬翬探峨岷海南嘉植斲黃子

東坡初造餉卯君至今想像見遺製物豈足貴惟其人  
不然一落博山手靈壽癭痕千年存我公生平志葵藿  
槐庭萬彙歸陶甄引年致位留日下肯策扶老尋南瀕  
平泉草木秣無地聊闢荒圃披荆榛秋容冷澹晚節勁  
不數雪竹兼霜筠游龍掩映似圖畫只少鷗鷺來相親  
就中一株尤夭矯寒煙卓立蒼苔綴潁濱采摘入詩卷  
公獨寓物施經綸日鎔雨洗枝幹老剪裁作杖高等身  
桃榔榔栗鬪堅瘦嘉名肇錫標清新惟公用意拔幽滯  
要從泥滓揚遐芬深山大澤多杞梓骨節磈砢蟠輪囷  
致之可爲棟梁用合煩天匠揮風斤殷勤拂拭到朽質

毋乃擻掇遺芳蓀豈知小草培養足虛心直節無其倫  
世間美惡混妍醜不遇元鑒徒沈淪量長較短各有適  
鄭箋毛傳皆紛紜我疑此杖本龍化五老守護滋靈根  
蓐收休轅戢疑角羲和廻轆藏修鱗騎來或從葛陂客  
捧出恐自滇池神鏘然爪甲破壁去噓噏紫電擎青雲  
北窮寒門西月窟東盪滄海南朱垠鏐蛟剝虎那足道  
揮斥八極開祥氛倦游歸卧倚牖戶尺蠖同蟄非求伸  
神功收斂在掌握始信龍性終能馴新詩遠寄令屬和  
朱弦三歎得未聞榦材欲仿六一語恨無筆力廻千鈞  
長楊芳枳新雨霽絳趺璀璨淩霜晨水鄉弱植太柔脆

榦繼躅得數公惟君實首冠

恩綸賁寵褒遺廟崇輪奐故人動愛敬寸楮弄道觀題  
詩賤澣薇奠峭笋用醴極目雪交亭寒梅萬珠粲

長女絳齡夭逝忽已一年傷悼之懷不能自己率  
成五首用寫悲思

淒淒寒霧重颯颯驚飈遶撫序傷永逝歲月忽已周悲  
來若引絉苑結不可抽念汝彌留際顧我雙淚流纏綿  
無一語決絕成千秋奠汝一盃酒魂來歆此不奪我掌  
中珠化爲水上漚珠沈海水竭此恨終難休

步出迎春門經行汝家街綺疏斜日明井幹晴雲凍披

惟人不存笑語何由共撫汝呱呱兒辟咡隱含痛平生  
明慧姿姻郇風所重定知蚤生天來往策鸞鳳徘徊睨  
舊鄉胡不入我夢唯應亮子心恐增過時痛

我采黃梅花徐步循南陔寒香襲襟袖凍萼橫斜開上  
堂奉阿母棖觸興悲懷去年花開時兒遺一枝來今歲  
花重發兒魂安在哉春風迴黍谷何時到泉臺我聞阿  
母語忍淚肝腸摧棄實勿復道蘭蕙皆塵埃

汝亡未百日旋哭汝中嫗汝伯本康彊奄忽疽發腦一  
歲見三喪中心怒如擣哀傷鑠精神那不令人老深情  
有通蔽識命齊壽夭轉歎夜臺下骨肉長相保繁霜欺

孤花零露滋蔓草天道誠難量矯首問晴昊

汝昔生存日頗好誦我詩支離干戈窟慷慨艱虞時我方成一篇汝恆三復之閔默若有感含顰斂雙眉考槃幸無恙弱質嗟遽萎欲寫衷曲哀哽咽難爲辭詩成無與讀一慟當告誰精魂尙不隔庶能知予悲

題梅花居士詩冊卽用冊中懷人詩韻

乙巳

超然冰雪羨門姿三絕聲名海外知惆悵江城隣遽起落梅風裏和遺詩

夢中飛蓋好歸休回首塵寰八十秋溪畔梅花三百樹不堪重過寫經樓

孫復生總戎雲鴻出示其祖澹亭將軍全謀遺像  
爲賦長歌

我昔櫟杏黃木灣揚舲徑度瓊儋間天容海色兩奇絕  
駕空白浪高於山中原一髮望不到唯見島嶼相縈環  
櫂船老卒箭瘢滿爲言往日驚波艱水仙鬼伯煽妖爛  
東結甌駱西梟關就中烏賊更桀黠謂烏石大兄弟漏刃烏逝  
蛟宮踰桓桓孫公仗鉞起誓埽凶孽清塵寰飛雲蓋海  
奮武怒大旗十丈雙銅鑲窮追直探螭象窟仰指南斗  
光爛爛手提長鯨擲天網揮戈血濺貂裘殷雷車鼉鼉  
舳艫碎露布夕發鐃歌還坐令氛祲千里豁蘆人蜚戶

皆安閑我聞此語恨來暮側企偉略無由攀爾來又閱  
二十載拂衣早謝蛾眉班晚從公孫拜遺像顧盼凜凜  
冰霜顏英姿褒鄂競颯爽垂翅馮鄧噴衰孱想見生時  
氣咆勃威名童孺歌黃班飛而食肉性嚴毅脣不著齒  
多憂患川歐陽文忠語伏波南征冒潦霧一車薏苡蒙譏訕豈  
如公心

帝昭鑒賞延後裔

恩綸頒公孫材武稟家學臨淮遺法心兵嫻三沙重鎮  
思大樹舊時將校涕淚潛隼旗又移金鳳駐高牙新建  
當雄關綸巾羽扇坐憑眺隔江窈窕開煙鬟方今羣慝



已簡勾

聖德遠服稽侯獮一鍾清酒勒盟誓九牧鑄鼎知神姦  
至尊尙厯宵旰念幕府應卹黎眈瘼防秋要令九邊靖  
猾夏或恐三苗頑勉酬

國恩紹先業輯和內外綏諸蠻它年圖形戢武閣搏桑  
高挂彤弧彎

復生左右修竹圖

見說將軍有報書開械鸞節繞庭除人間富貴真無比  
千戶封侯定不如

綸巾羽扇世無倫未必眞堂善寫眞卻笑坡仙詩句陋

虎頭食肉又何人

鳳尾高梢細柳雲寒笳江上擁千軍從今鷺堠烽煙淨  
日報平安有此君

大纛迎風獵獵開坐中佳士不凡材憑君覓得青藤筆  
掃取寒梢萬尺來

煙波一片渺江湖玉立森森十萬夫我似論兵狂杜牧  
勸君更寫釣璜圖

樂泉近接梓花軒食筍齋頭翠掩門忽憶

永平西掖事十年重夢舊巢痕

樂泉西舫余曩時直廬也種竹滿庭程春海侍

郎篆其額曰亦種竹軒其西卽食筍齋也

松筠節操圖

丁未

席節母許氏宛山人歸席君巽夫爲繼配未二載夫卒遺腹生子振麟節母撫之成立道光乙巳節母卒其孤哀慕不已繪圖乞詩

宛山石巖巖尙湖波粼粼山石屹不轉湖波清且淪席氏有賢母淑德全貞純姆訓習璜瑀婦功嫻組紉蒿簪佐君子戒旦風常遵中道忽捐背煩冤動哀呻遺孤方在腹侃侃存此身仰事兼俯育一髮持千鈞勤劬四十載霜月含酸辛家肥身以悴瑤島長歸真孤兒念罔極孺慕何由伸寫圖表懿範勁節凌松筠疇昔余奉母浮

家釣渚潯散式女宗行矢願永卜鄰一朝愴風木餘生  
哀鮮民奔馳過駟隙躑躅驚烏駿祥琴聲切切目瞿難  
具陳短章播芳烈輝映湖山春

龐評蘭茂材大銓秋夜讀書遺照

涼月樓欄影亂搖昏燈如豆黯魂銷一篇歐九秋聲賦  
抵得三閭楚些招

康樂詩名媲美惠連曉寒曾奏衍波牋可堪一片東平樹

宿草斜陽又六年

感吾友星  
齋之逝也

羣從清才蓋代無

謂寶生  
編修

果然出手得驪珠九原定熱

靈蕪感還見丹山起鳳雛

次韻酬孫小真明經兼以越酒餉之

擬將島佛供詩龕誰作陳蕃薦李曇骨瘦耐寒饑似鶴  
眼明書字細於蠶愁聽風雨催殘節坐閱星霜敢戲談  
且致羅浮春一榼要令梅雪鬪清酣

除夕立春題綿津山人守歲詩冊後卽和元韻

康熙丁亥商邱宋公榮爲太宰年七十五矣歲除前  
一日召通家子及門生爲守歲之飲公首成十八韻  
一時屬和者爲吳士玉吳陳炎王式丹宮鴻厯李嶠  
瑞林佶張大受陳鵬年顧嗣立汪泰來儲在文沈崕  
郭元釭王圖炳蔣仁錫及公子至冊藏吾邑沈亮伯

上舍家

時序珍晏陰宦情澹華轂祥琴聲乍和駟隙度何速殘  
臘雨雪繁樂阿廨言獨忽讀綿津詩守歲緬芳躅維時  
泰階平膏澤潤滲漉休閒召賓朋觴詠屏囂俗至今百  
冊載高會渺誰續伊余秉微尚塵鞅苦局促往者在南  
康朝覲指西陸晨策驚林垌芳叢浥芬馥招尋到開先  
迎笑有白足登樓拜公像如器容萬斛甲午春予試南  
康遊開先寺登  
七佛樓拜公小像公撫吳時  
寄贈開先長老心壁者也侑以淨土經薦彼康王谷  
大哉德盛光陀羅尼經筆法絕似鍾紹京凡十二段每  
段有白描佛像鬼趣精妙無匹末署爲陳觀音慶婦人  
文殊連長男陳慶福造孤煙裊香鑪雙劍插飛瀑白鶴  
不著年月殆五代時物

蒼巖前公靈長在不

公望廬山詩有白鶴蒼巖之句

爾來又一紀生意

歎拘束春風動銀旛晴雪積瑤玉夢繞匡君山還見真

面目

意有未盡再疊前韻一首

我讀西陂詩舊夢記

輦轂每當節序周恆歎日月速長安多冠蓋疇與慰幽

獨苦念阿戎家守歲繼高躅故鄉渺何許孤館歌獨漉

六街團鼓喧蹴躡走塵俗稍喜江都公

史望之司寇

韻事時

一續張筵倒屣迎折簡平頭促自從奉英蕩乘傳遡川

陸北蹋遼河冰南探嶺梅馥歲除方校士常恐日不足

最憶符離城振廩散千斛

壬辰宿州度歲州牧張白也方賑饑

誰能回春

溫吹律變黍谷前行度匡阜雷電雜雪瀑簡書信可畏

懷歸吾豈不祇今卧衡茅塵網謝羈束呼朋觥酌兕炊

飯匙抄玉明旦登辛峰一騁千里目

### 陸郎懷荔圖

戊申

婁東陸視亭先生幼時在州刺史滄來于公鼇圖坐

上懷荔二枚歸奉其母于公大笑爲作此圖題詠甚

夥其孫少香茂才文海屬題

兒時冷笑袁公路不解分甘餉一簞爭似于侯能教孝

畫圖留與後人看



純孝由來德不孤休嫌依樣畫壺盧鬱林清白家風在  
還有扁舟載石無

曾酌天漿到嶺南歸來

賜果紀傳柑祇今風樹增悲感腸斷西江鮓一坵

子視學粵

東奉板輿至學縣徧當增城新興挂絲黑葉諸種荔枝  
還朝復時拜瓜果之賜迨官江右吾母憚於遠涉  
遂歸里門

### 題金氏孝烈詩冊

休甯金翁僑居白下道光壬寅五月暎夷入犯媼率  
兩子兩婦兩孫及其從子買舟泝江而上將至蕪湖  
遇盜媼投江死兩婦抱兒隨之兩子救母亦殉焉次

日求諸江千僅得次婦林氏尸葬諸路側林氏無錫  
世族也士人哀之爲作傳並徵詩

避兵翻入鯨鯢窟烈烈貞魂咽暮潮白骨如山潤州路  
更無人賦國殤招

滬瀆圖山玉帳屯蟲沙猿鶴徧江村連雲戰格成星散  
誰寫煩冤告

至尊

白雲常在圖爲姚湘坡吏部題

遊子遠行役白雲動遐思思親不可見猶有相見期一  
朝愴風木奄忽浮雲馳攀號路旣窮瞿瞿庶見之姚氏

起三鳳各各輝羽儀乾蔭忽徂謝令名思永貽行者服  
朝政居者奉慈闈睠言念遺像靈爽實在茲純孝感天  
地祝融韜其威抱持幸在手皇穹鑒無私我廢蓼莪篇  
行與邱壘辭寒雲蔽宰樹增予罔極悲

陳氏九龍松圖

西城三檜猶巢鶴北麓孤松已化龍安得石田神妙筆  
更從浩劫寫靈蹤

廷尉高風繼昔賢銅柯鐵骨鬬清堅議郎宅畔霏霏雪

長記先生過嶺年

耕巖先生清風介節粵人士至今誦  
之子視學粵東補勒前政題名於廨

壁自先生始

龐鶴颺年丈觀荷圖遺照

韓鄂儒宗望觀蓮道力深遺徽猶未沫令範溯從今奕  
葉登華省孫枝發藝林銅川家學在端不羨簾金

酬郭季虎鳳梁

涉園主人小正材愛客日日傾罇罍嗟余蹶躄絆塵鞅  
末絲載酒相追陪竭來折簡重開讌索我新詩題便面  
孤弦切切未成聲那有閒情入吟卷今春記作支硎游  
寒梅萬樹銀雲流滿懷詩意向誰寫卻被詩僧笑不休  
謂覺阿上人祇今又向長安道門外驪駒惜草草他日思君  
夢碧雲虹橋宛宛連瑤島  
君所居有橋曰宛虹

孫茂材傳煜面壁圖

摩空嵐氣青倒景澗流碧厓屢厂窅深犖确徑紆窄中有幽棲人無言自朝夕跏趺對空山萬慮久冰釋寫此而壁圖至理悟咫尺何不一回顧祇恐爲形役尙湖多風波吾谷有安宅琅琅誦義經環聽坐羣石

乾隆庚辰錢籀石先生載分校禮闈以藍筆寫蘭石贈總裁張文恪公泰開并系以詩公依韻和之題於幀首荔門山人式文恪從孫也重臨一幅索題用元韻二首

雲藍染翰夜堂深想見歐梅奉

詔臨交比幽蘭還介石手栽修竹早成林三千士仰鴻  
鈞鑄九十年來韻事沈留得

承平嘉話在殷勤領取愛才心

斷素零縑歲月深憑將意匠爲重臨眼明南國丹青筆  
夢記西園翰墨林杏苑春濃雲彩麗梓花香定月華沈  
樂泉咫尺巢痕在照見清冷一片心

澄懷園樂泉公手闢也予直廬在其

右庭有梓樹花時韻特馨烈

### 郭季虎碧雲仙館圖

十丈虹橋抱岸迴琅玕萬个手親栽論園水讓三分占  
愛酒巾常一角隕名士自應多結契少年難得有清才

碧雲日暮涼如水到處相逢鮑佐來

倪蓮舫觀察良燿雲煙過眼圖

我昔夢中參戒壇壇前周遭七寶欄煙雲繚繞波瀾漫  
本師趺坐垂花鬘瞠目熟視其神全嘉名錫我曰了觀  
洞澈三界周無邊平看日月跳雙丸下方漠漠紛腥羶  
度人無術聞微歎爾來又閱四十年東臨閩嶠西劍關  
北踰蠡螭南蜚蠻津梁告疲心孔艱回頭一瞥眞雲煙  
先生作圖豈其然逝將扶寸敷區寰神功收斂雲心閒  
澄觀至理非逃禪先生微笑方無言角根道妙口不傳  
春風吹和景物妍孤雲無依辭故山升沈變態隨因緣

眼中之人望欲穿起視皓月當空圓

明皇甫竹坡山人欽遺墨長卷爲其裔孫小軒茂材治題

竹坡山人工書能詩高尚不仕此卷第一段臨米襄陽書飲中八仙歌第二段書羅大紘山居志一則末署壬戌夏日書

四甫騷壇迭主盟高風畢竟讓先生放懷詩酒難諧俗傳世文章不近名天水冰山終變幻干戈江國正縱橫醉中落筆峻嶒甚鬱鬱千秋氣未平

郭季虎聯牀話雨圖



雁斷雲埋迹已陳祇今夜雨獨傷神

其兄桂齡太史已逝

披圖省

識纏綿意願結來生未了因

川東坡句

我亦鵲原繫夢思蓬窗坐雨鬢如絲廿年往事重回首

怕說胥江夜泊時

乙酉夏予使閩南道出吳門伯兄挈舟來送今伯兄下世六年矣

正月廿有六日將赴都門登舟阻風重謁先墓陳

詞抒懷

己酉

澤國多陰寒初春足風雨儼裝已載塗機榜泊河澣得  
毋遠行役先人未我許欲俾旬日留故遣舟楫阻重辭  
邱壟下一訴別離苦淩晨度湖曲輕舸若掀舉宦海風  
波危先靈如告語回頭謂長孫守墓今仗汝白首辭故

鄉慎母學乃祖

我昔歸養母嬉戲如嬰孩  
逝將守絜白百歲循南陔  
我母顧而歎汝願恐弗諧  
崦嵫景已迫簡書行恐催  
我時聞此語摧痛傷中懷  
母言猶在耳幽明隔泉臺  
石骨勵我節松風助我哀  
徘徊不能去何日重歸來

過無錫有感

春風吹綠滿平蕪  
路入梁谿水驛紆  
山色宛同鄉國好  
泉聲還似舊時無  
愁聽子夜唳烏鵲  
怕說寅年足虎貙  
欲問元戎駐兵地  
沙邊煙雨總饒餉

小泊揚州寄示諸孫

東風吹五兩送我到揚州舊夢繁華歇長江日夜流雲  
心隨去住春信小句留十里蕪城路垂楊舞未休  
花事家山滿離懷倍黯然蹉跎嗟往日搖落感殘年草  
長思俱遠鶯啼夢不圓汝曹須努力端莫負芸編

桃源道中

天涯柳色又迷離漫說婆娑異昔時三月鶯花春似夢  
十年湖海鬢成絲河漚輟亂臨歧誤溪口人喧待渡遲  
欲問迷津重攬轡那堪筋力已衰疲

曉發衆興集

繁星漸隱曜東方猶未晞駕言遵大路霜露沾裳衣茲

行非得已矧乃筋力衰整楫溯江介攬轡循河麋春風  
被淮北草木皆含滋天桃旣灼灼弱柳亦依依瞻言禺  
山麓景物正芳菲逝與素心友灌園長息機胡爲遠行  
役策此四牡駢出處時有定憂樂心無違遙望大澤雲  
蓬蓬西北飛亮無爲霖力孤根何時歸

### 公無渡河

公無渡河公欲渡河河卒怒公無錢那得渡凌晨呼船  
迫日暮車一兩錢一千馬一匹索百錢索錢已了方橫  
船船錢盡入河卒手餘者始爲榜人有君不見柳陰踞  
坐彼何人皤腹如牛引卮酒

下邳懷古

漢家四百年天下終始先幾兆下邳黃石圯邊受書後  
白門樓上縛渠時天心已厭重瞳子人望終歸大耳兒  
豈獨龍興漢中地長留炎祚肇丕基

邳州道中遇雨

東風溼層雲三日吹不盡  
煇陽中鬱蒸搏激轉淒緊  
旣苦紆程艱復畏陰雨窘  
淋漓帷蓋濡滲漉班箱引  
載涉輪汎鳬前登馬絕鞞  
日暮投荒村倦極翻覺近  
瓦盆注湟潦土飯雜蚯蚓  
妻孥頗相怪胡不簪嘉遯  
一笑姑賓之展襜眠自穩  
夢醒驛吏報使星駐高軫

旅店誌感

山妻忽長喟獨抱杞人憂  
今歲淮源盛連天雨勢稠  
桃花成異漲菱玉合先籌  
莫漫臨風歎村沽就爾謀

小山題壁

占星憑候吏立雨仁鋒車裕

國籌原亟安民計莫疏祇須除害馬慎勿察淵魚  
努力培元氣忠忱庶可摠

曉發小山道中書所見

連晨遇風雨跋涉甚矣憊詰朝初發軔雲氣尙晦靄黏  
泥輪常膠陟阪驂屢絙倏忽轉晴和曠覽一以快連山

萬馬屯絡繹勢奔會陰楊互向背妙手不可繪川原景  
暄妍塍隰氣融藹桃擁高鬟齊柳亦折腰拜上公持使  
節耆介夙駕指吳會故人奉英函季仙九接軫建旌旆  
幸當善諮謀一爲拯凋瘵引車避道旁未敢達情話前  
行涉沂水喧雜渡口隘津梁久告疲對此發長喟舍旃  
勿復道靡靡自行邁遙望葛嶧山孤桐聳雲外

清明道中感懷

萬戶千門插柳枝平原春草綠離離正當旅客懷鄉候  
況值人家上冢時欲待表阡慚永叔未成誓墓媿羲之  
十年展拜虞峰下今日追思轉益悲

鷓鴣峰原下土清嘉沙抱佳城水抱沙祇竭肫誠除五患  
敢營高敞置千家乍逢雨露心常惕欲補松楸願尙賒  
馬鬣崇封剛百日那堪游子又天涯

夜發汶上次東平

夜半度清汶平明入鄆州戍樓潛魍魎竿木揭骷髏落  
月金盆側繁星火炬幽客途殊可畏對此倍增愁

東阿道中

默誦陰符倚曲屏穀城峰列四圍青自從圯上傳書後  
黃石漫山盡不靈

藥籠閒攜過濟陰阿膠價等紫團侵若教能止黃河濁



便抵宣房百萬金

東阿城東舊有橋跨大清河爲往來孔道今已頽  
廢設渡於其北驅車至此躑躅河畔斜月西匿曉  
風淒然感而有作

一卧滄江晚重來去路忘我行涉清濟欲度歎無梁引  
轡詢前渡停車待野航誰歟司牧者更爲闢康莊

夜行東阿道中

南北咽喉一徑通礪礪列戍古稱雄金篴不鑠巖城靜  
畫角無聲廢堡空月落鬼燈明嶂外夜深人語聚沙中  
廿年此地頻經過曾見旌旗照日紅

三月望後一日發在平大風雨寒甚行五十里抵  
新店遂宿

昨日黃塵十丈飛今朝甚雨漸車幃三春垂盡寒刺骨  
百里行半僕具腓焉用聖人且飲酒同我婦子嗟無衣  
北風怒號行不得跂腳高唱妃呼豨

雨過高唐

暮雨吹何急齊音聽不清迷離辨春樹突兀見嚴城潢  
潦深三尺崎嶇厯半程鈴聲淒咽甚旅夢恐難成  
白入齊西境田禾慮暵乾荏苒雖稍戢閭里未全安一  
雨伊誰力三農已告歡豐穰行有兆跋涉敢辭難

夜宿劉智廟

路繞鉤盤曲參旗尙曳旂燕齊此分界漳衛正交流  
喜足三春雨欣看二麥秋客行獨惆悵宿潦未全收

景州道中

驅馬入景州言循衛河濟曠野何蕭條寒風極淒楚  
維時正暮春連夕過新雨盡日少行人荒村渺何許  
連邇豕涉波疲曳馬銜組圯橋時礙輶灌莽防伏弩  
此方地庫下形勢本自古九河雖填闕百里盡斥鹵  
况復衛挾漳衝鬻勢剽怒廬墓蕩無存矧乃賸禾黍  
我昔奉英函厯厯記親覩豈料十年後修築猶未舉  
至今蕩潏處迤

演成洲渚畎澮界田疇津梁利行旅前政或未逮後來  
庶可補作歌風有位懷哉歎微禹

過趙北口

九十九澱縠紋生長隄一綫垂楊平六橋兩頭宛虹互  
千戶中央如礪橫洲邊碧莢茁無數沙際白鷗眠不驚  
江南三月五湖滿空對暮雲增旅情

新城道中和壁間韻

高樹團雲雉隴遮畦間石枕研平沙燕郊三月寒如許  
不見輕陰覆麥花

固安道中

漠漠春陰放晚晴眼前又見大河橫天開

北闕龍鱗繞雲擁西山馬首迎十二年中京國夢三千里外故園情重來已是衰殘甚努力猶能頌

太平

知止齋詩集卷第十四

常熟 翁心存 二銘

古今體詩一百十七首

起己酉七月重直上書房明年恭值國恤無詩咸豐

元年辛亥典京兆試赴東陵壬子以後部務殷劇癸丑罷職甲寅再起數十日中詩稍多乙卯寓

集賢院作

定居澄懷園池南直廬登葉亭有感

己酉

十年卧辛峰意欲專一壑京華冠蓋地舊夢風卷蘚重

來蹋輓紅香霧滿兩腳巢痕幸未埽倦鳥欣有託澄懷

記游息池館倘如昨高樓插霄漢青翠倚碧落

入園門西北有

樓曰近光福曰青翠霄

蓮莖萬柄花筍解千竿籜谷號

仁廟御書

愚公愚碑勒樂泉樂中洲屋兩區西為食箭齋黃左田先生所闢也東為樂泉西舫程春

海先生題左有泉曰樂泉張公泰開所鑿羣公動高興勝境近增拓神功仁

智兼意匠曠幽各山柎方添栽棟如門前種二柎春海先生有記嵐翠

喜新鑿張小蒲開一室南垞有舊廬矩室戴醇士所題曲而

約縱橫安書架窈窕開睡閣連岡抱西南仄逕通略約

有亭聳翼然登眺具杯酌漣漪漾孤舟桮栗觀秋穫矯

首望南紀陽侯方肆虐滔滔指江漢莽莽無垠壖

九重閔流離億兆或歌謦懷襄念故鄉浮雲極寥廓

晚登葉亭廢址懷葉棣如閣學覲儀

棣如築亭於澄懷西南岡榜曰葉亭據一園之勝登

眺最佳棣如病篤以形家言毀之

回風起南池殘照薄西嶺登臨憶疇曩盃酒惜光景太  
息石林子天年竟不永望雲願未慰泉路定悽哽歸艤  
總帷懸挂劍土花冷欲答秣陵書高亭賸空影

奉

敕題王羲之快雪時晴帖

辛亥

神物千年蘊古香星羅廿八字三行自邀

奎藻褒題後列宿皆分

倬漢章

中秋伯遠稱佳妙品格猶應讓此尊恰似蓮峰三朶燦



更從玉井遡真源

眞行兩本體參差海岳論書每好奇

鑒別精微祛衆惑霜寒一帖莫傳疑

玩鶩縮本刻瓏玲

幾暇臨樵百度經珍比球圖昭

法則不須玉枕問蘭亭

怡情染翰仿雲林

四疊重拈禁體吟每到雪晴

披翫久

授時常切

聖人心

心法欽承養太和我

皇文德戢干戈

賜觀欣協綏豐兆安善先徵吉語多

辛亥京兆秋闈用壁間韻

一卧滄江歲月深廿年此地又重臨星辰幸接羣公迹  
桃李都成君子林夢裏湖山勞悵望眼前文字判升沈  
庭槐似我婆娑甚莫忘青天皓月心

疊前韻贈杜芝農協揆

岱宗巍峻海淵深台輔星從上界臨身傍雲霄常捧日

手栽杞梓早成林已孚陬溱蒼生望肯使孤寒白屋沈  
庭誥一篇陳坐右經綸原本孝慈心

案頭牙尺吾師石樵先生手書諭語

再疊前韻贈柏靜濤家宰

攬勝明湖吐納深江南兩度使星臨奇材盡入山公鑒  
甘露頻霑柏子林太華峰頭秋隼出句驪河外夜珠沈  
以上指君使車所歷憑將妙筆齊收拾想見冰壺一片心

三疊前韻贈舒雲溪少農

河聲嶽色想高深喜見文星入座臨袖底雙花蓮結彩  
胸中千畝竹成林

綸扉曉直金波朗鎖院宵分玉漏沈蚤歲關西傳正學

掄才猶是昔時心

君以陝西駐防登第

四疊前韻贈念農編修

天目峰高鑒水深湖山幾度此登臨記陪驄馬持文柄

同泛仙查到武林

道光乙未予偕張桐甫侍御典試浙中以君爲榜首

鳳唼秋清

光耿耿燕臺月滿夢沈沈戴匡六點如珠貫肯負傳衣

一寸心

子辛卯分校第六房今君亦如之

贈內監試曹艮甫給諫

最難監試得髯蘇直道清辭蓋代無欲乞邗江汪太史

純卿

潑藍爲寫歲寒圖

與君共識煎茶意面目森然活火調祇覺魏徵殊嫵媚

不論汲黯與寬饒

山色湖光望裏收  
憑將雲水洗雙眸  
卅年不到秦淮岸  
忽憶江南八月秋

題靜濤便面

雞鳴埭畔水拖藍  
燕子磯頭雁影涵  
記取秣陵秋似畫  
與君翦燭話江南

疊前韻題雲溪便面

漢陂蕩漾柳搓藍  
紫閣峰環倒影涵  
記向樂遊原上度  
秋風秋雨望中南

山色湖光其一樓得庠字京兆試詩題也汪蕤卿

太史以藍筆寫景見贈卽用庠字韻作七言排律  
謝之

江南如此湖山好歸臥吾廬忍便拋十載重溫京國夢  
三天未掃舊時巢空慙

講室陪論議儼學元亭賦解嘲枯樹婆娑頻攬鏡登樓  
凭眺惛懸匏忽承

恩命襲文枋喜遇同鄉訂素交緯聚五星輝璀璨音韻

六呂筵笙策

君及董醞卿農部徐彝舟謝夢漁兩  
太史曹艮甫給諫與予皆江蘇人

中秋

官舍香縈篆試帖

天題韻限庠

茂對高深神共契

沖襟仁智理兼包

清漪縹緲

長春接

清漪園東北門內  
長春園後河北岸均有是樓

倬漢昭回

御集鈔

純廟御製詩中  
有是題載樂善堂二集捧到鑠闐驚煥耀吟來

矮屋費推敲  
睽風麗欲追平子聯句奇誰鬪  
孟郊多士

伊唔燒燭跋詞曹  
整暇染松膠憑將畫意傳詩意寫出

峰坳復水坳  
樵徑微茫通鳥道漁人隱約覆鰕巢  
千層

繡嶺環孤寺  
十幅蒲颿露遠梢鐵筵數聲聞  
髣髴霞標

百尺起颶颶二分涼月紅橋映七發飛濤赤岸捎

揚州

收拾煙雲歸妙筆澄觀沙嶼等浮泡量材定望青藍勝

專美應難籀石教

乾隆庚辰錢籀石先生分枝禮閣以藍筆畫竹石贈張文恪

手贈

殷勤何以報眼明鑒別儻無淆

聖功夙協乾行象

遜志常占兌澤爻近者妖氛纏桂筦時塵

廟算轉芻蕘捷書屢奏按巖濱愷樂行看擁鐺鏡藤峽

蠻花消霧瘴羅池神旆漾參旂柳韓頌獻鋪

鴻烈襄鄂圖成貌虎虬還向西園勤翰墨澗阿休更戀

衡茅



送子香族姪傳桂還江右

昔時方艸角重見更恂恂話舊添棖觸論心見性真  
卑官期稱職微祿爲娛親努力承堂構榮名在立身  
先德眞仙吏哦松品最高煙雲供染翰詞采妙揮毫  
薄宦沈淪久頻年夢寐勞典型今已渺式穀有清操  
盛事吾宗紀高甕笠澤邊百年喬木古萬樹彩霞鮮  
舊日繁華歇清風德澤延耦耕如可遂茅屋結三椽  
宦游吾所歷兩度到南州五嶺雲山接雙江日夜流  
政平成美俗官好易興謳彭澤多鴻雁因風寄遠邛

通州道中

幕慙輕陰護白沙  
峩層塔鎖寒霞  
漸流潞水雙橋接  
路入燕郊一道斜  
枯樹風捎吹簞簞  
凍荻雪澤養萌芽  
近畿今歲秋成好  
喜聽田家笑語譁

宿燕郊

十六年前事征輜  
此地經重來  
雙鬢白相對一  
鐙青旅  
館昔時夢殘鍾  
何處聽  
吾衰今已甚  
漂泊媿浮萍

薊州

百雉環雄郡  
重關鎖薊門  
天開三輔迴  
雲擁

五陵尊  
自昔兵多勁  
於今俗久敦  
桑麻安儉樸  
應勝樂

遊原

石亭

拒馬河邊春雨霏石亭山下草痕微欲尋西峪藏經處  
洞口白雲歸未歸

道中書所見

廢壘城闌在荒村石逕連堇垣通突出茅屋學困圓犢  
臥枳籬畔雞鳴桑樹顛銅輪山外隱按轡莫蹊田

半壁店題朱山人壁

拂拭征塵滿鬢鬚眼明驚見玉盤盂庭前白芍藥甚爛漫門前且  
繫蕭蕭馬上眞同汜汜鳧賣藥相將頭戴笠灌園聊  
其手提壺試開北牖安書幌更寫房山潑墨圖

奉

敕題闕虎駟圖

壬子

十駿圖中骨相奇百年猶見嘯風姿自經

聖藻褒題後更想

皇輿翊衛時顧影未忘千里志長鳴深感

九重知林皋無限驚駟質拂拭應生效駕思

謹案

純廟有十駿圖此其一也絹本立幅乾隆癸亥郎世寧  
繪左方八分書題闕虎駟三字下注云喀爾喀郡  
王澄文扎布進高四尺六寸長七尺二寸八分上

方有

純廟御題下方有于敏中贊

偕龍蘭謬學士元禧典武會試和壁間韻

攬鏡愁看鬢雪深一年一度此來臨據鞍儻可平交趾

校獵還思賦上林赭白神完憑點染聞中劄用赭黃筆驪黃皮

相感升沈聞中去取惟憑外圍所注雙單好其狀貌技藝材力均無絲知鼓聲日暮聲

悲壯應念吾

皇擇將心

湘楚烽煙歲月深長沙節鉞盼遄臨謂徐仲升節帥但看下瀨

來丹徼莫使橫江徧綠林南國旌旗秋杳杳西方參伐

月沈沈眼前多少干城士誰抱同仇敵愾心

疊前韻贈蘭穆

授簡新承

雨露深共傳佳句賦登臨

川君大考詩中語意

三長久已推儒席

時恭修實錄

君爲總纂官四教行看洽士林

君兼攝祭酒

吉甫清風秋

皎潔魏舒公望海淵沈卅年嶺嶠前塵在記取掄珠貢

玉心

君爲予粵東所得士

送吳生儒卿鴻綸下第南還

雪壓霜欺一樹梅相攜擬向上林栽馬空冀北知千里

花發江南定幾回賦日竟迷方叔筆

去年予典京兆試生竟被放

凌

雲誰薦長卿才歸途重過淮陰市莫倚西風上釣臺

飄零書劍返江東舊宅湖田問釣翁

先生爲竹橋先生曾孫

未必文

章憎命達果然身世坐詩窮珠穿九册心逾細琴學三年曲自工轉瞬春明重把袂一枝好傍日邊紅

恭和

御製癸丑元旦試筆成什元韻

癸丑

元正糾縵春雲朗喜誦

奎章第一篇

辰告首從民事始

寅恭時懔

聖心傳六花瑞兆雙歧秀

七德歌成萬福延吹琯和風闔闔應捷書定奏試鐙先  
題黃忠端墨蹟長卷用卷中元韻

鑿國難求藥一丸虞淵手捧日光寒平臺謬存三疏  
炎嶠崎嶇發九歎體託華嵩凝血碧公詩云鬚髮聯華嵩死依陵  
寢剖心丹文山正氣常山舌莫作人間翰墨看

題潘星齋閣學畫蘭竹爲時軒孝廉作

雪蘭紫竹影參差風物滇南記訪諮今日新陰桃李盛

轉嫌跼鄂不同時

星齋典禮部試時軒與其尊人補之令兄椒圖皆回避

茂林修竹集羣賢高會蘭亭亦偶然盛事君家逢癸丑



風流不數永和年

星齋尊人太傅公今年重赴瓊林宴

送吳竹言太史福年督學粵西

嶽色河聲擁節還

金鑾重綴五雲班已看化雨周三輔又見文星照百蠻

桃李新陰排玉筍

本年分校禮闈

牂牁舊蹟隔銅關試登獨秀

峰頭望夢繞臨安萬疊山

封翁方家居

烽火連年燭桂林至今炎嶠尚蕭森空餘戰壘凋殘氣未洗潢池反側心籌饗先求民力復補牢須念

主恩深宣揚風化詞臣職會見飛鶚變好音

蘊檢之侍衛秀贈銀髮馬乘之三年矣性甚調良

芻秣不繼牽以還之

潦倒情懷似樂天劇憐隨我已三年趨

朝曉拂千門柳扈

蹕宵騰萬竈煙驤首未應甘伏櫪雄心猶望著先鞭長  
鳴好去歸金埒莫戀衰翁意惘然

題王佩綸孝廉恩綬山水小幅

雨餘風颺竹鑪煙曾試人間第二泉今日九龍山下路  
更無人唱夜行船

巴山夜雨好揚舠又向梁園弭節聽邗上風煙淮上樹  
有人鄉睡未曾醒

佛狸祠下集神鴉隔岸青山萬樹遮修竹吾廬何處是  
祇應回首望京華

中秋對月

積潦高田尙未乾秋中幸見月團樂更無纖翳從旁掩  
但覺清光分外寒千里羽書勞極目萬家鴻澤起長歎  
閒蛩咽露如相語留取冰心與照看

恭和

御製自述一首元韻

九服承

皇澤重瀛頌永清如何昭

聖武猶未戢神兵

帝念勤

修德

天心感

至誠豈惟開霽旭會見洗櫓槍吏改恬嬉習材歸  
運量宏郊圻臣職在何以翊

昇平

恭邸歸自易州以詩扇見贈依韻奉酬

易水波生暑氣清開緘便覺好風迎五更仙露毫端瀉  
七字新詩馬上成房樹村邊饒野趣樓桑里畔起秋聲

憑將袖底凌雲筆埽盡塵埃皓月橫

連日大雪盈尺和東坡書北臺壁韻二首

三番微雪灑纖纖不似今番朔令嚴碾碎玉塵光撒米  
栽來瓊樹氣蒸鹽虹橋宛宛連銀闕鴛瓦微微露畫檐  
試向明窗閒攬鏡愁痕蚤已卸眉尖

頭白城頭瑟縮鴉流蘇垂徧七香車虛心忍折階前竹  
過眼真成鏡裏花挾纈懽聲騰萬帳閉門高卧靜千家  
挑錢一塊吾何有埋沒牆根玉畫叉

歲除卽事

三竿紅日照簾櫳九陌如酥雪漸融不事朝參容我嬾

何來酒債任囊空新詩吟就諸孫和無米炊原老婦工  
六十年彈指過豈應未濟簪男窮

訓顧藹庭同年椿歲暮感懷卽和其韻

堆案文書媿我生朝衫初卸一身輕藥鑪藤杖扶衰質  
雪竹霜筠證舊盟鑿齒應隣同病久君不良於行予亦左體風痺艱於步履  
掉頭徑欲入林行君擬遊中州崧陽儻得誅茅地擬學香

山臥洛城

歲將盡矣積雪皎然病體畏寒杜門謝客日與兒  
孫輩賦詩自娛輒和東坡岐下三詩卽次其韻

餽歲

歲暮通問遺情意微物佐往年都城內珍錯聚百貨兼  
金鹿尾貴脍玉貓頭大黃甘三寸馨碧釀雙瓶臥唐花  
出暖窖璀璨輝四座飭盤重資饒擣屑霏白磨今年門  
設羅寒雀噤不過抱此一壺冰獨餉誰與和

別歲

韶華昔方盛常覺歲月遲老大惜駒隙一去不可追矯  
首望南紀杳杳天之涯長江水嗚咽東逝無還時戈鋌  
滿吳會鼙鼓震合肥旣念流離苦彌興骨肉悲傷長孫  
曾文之  
逝也舊歲不足戀新歲行將辭醉眠夢鄉國久矣嗟吾衰

守歲

析津跨溟渤窟穴蟠修蛇傳箋三輔警積雪兩澱遮防  
守已百日執訊夫如何軍容盛細柳挾纘靜不譁九門  
嚴箠鑰令肅鼙鼓搥中宵眎太白睽睽光西斜明當縛  
於菟

明歲甲寅

時哉勿蹉跎朝瞰紅旗映麟閣安足誇

除夕和東坡除夜贈段屯田韻

莫年行修途九十百里半盈虛悟至理憂樂起長歎所  
以古聖賢歲月懲惛翫激懷止水清觀物浮雲散我生  
本孤寒涉世鮮侶伴避風感爰居永夜號曷旦自從尹  
京圻文籍委几案媿無繭絲才梳櫛整煩亂盤旋蹲七  
札被濯勤五盥論兵想頗牧醫國求和緩達時昧先幾



流俗守舊貫屏黜分所宜庶用儆庸懷乾坤含瘡痍生  
靈正塗炭艱虞念天步寂莫臥空館末疾纏風淫時晴  
就冬暖且復春黃粱何由飽白粲

甲寅元旦用東坡元日早晴韻

春風積雪消世態浮雲送年華畫卦周

予今年六十四有四

消息

吞爻夢晨光動欄際好鳥作三弄朝參幸已免舞抃妻  
孥共繫余蚤迤邐簞瓢慣屢空行當狎鷗鳬嬾學驂鸞  
鳳起行城南隅扁鐫轟危棟誰繪監門圖蒿目但隱痛  
芻蕘輸未已牟麥晚須種瓊絲霧淞垂儻可歌飯糗

人日立春次東坡人日獵城南韻

城南冠蓋地新歲人迹悄軌涂雪漫漫簾幙風裊裊朝  
來望西山爽氣破晴曉陽回土膏動春入銀旂小安得  
移遠梅繁花插天矯苦吟肩常聳抱病首屢掉晚飯毫  
茵陳堆盤切茶蓼仰看參旗橫斜映月弦皎苦憶津門  
戍征戰猶未了獨流蛟蜃遊遺燼川原燎殷雷萬礮轟  
曾冰四圍繞沮洳宿麥爛村落炊煙少穴地防驚麋入  
懷感窮鳥極目家山春浮雲滿江表

題東坡密州題名石刻和家覃谿先生韻

東坡題名隸書九字曰禹功傳道明叔子瞻遊案熙  
簡甲寅乙卯間東坡守密州常與三人倡和喬敘字

禹功後換左藏知欽州者時以太博爲密僚佐章傳  
字傳道閩人爲公幕客趙果卿字明叔膠西人密州  
教授也諸城縣志云石高八尺圍二尺八寸質甚璞  
中藏巖壑石背鐫三行九字字逕寸隸書自左而右  
石久埋沒土苴明萬厯十九年知縣甯嘉猷伐石爲  
臺庋置明倫堂前與今塌本正合王漁洋居易錄謂  
有軾字者誤也胡書巢桂未谷拓寄蘇齋老人蘇齋  
旣作考正六百餘言復系詩於後

我昔炎洲記于役寶晉英光發奇迹榕根三十一驪珠  
蜃閣晴空絢丹碧坡仙過嶺在米後循惠瓊雷徧遊厯

獨無遺墨鐫貞珉坐令蘇齋苦相憶豈知分隸出膠西  
九字題名勒卷石廣文太守皆好事搨本郵書寄詞伯  
森然波磔盡完好未受雨淋兼日炙先生爲郡常慙歡  
賴有三賢共晨夕病中煮粥調黃耆醉後狂歌拓金戟  
幕僚詩筆誇徐庾

章傳道

匙飯盤蔬薦嘉客酸寒薄酒勝

茶湯

趙明叔

譚笑奮髯抵几席

喬禹功

是時手實降新書尺

土寸椽敢隱匿故人書寄當歸好苦戀籠囚意誰識磨

刀已梟竿上鯨載糝欲起溝中瘠灘却魚戲看鱗鱗蒿

蔓蝓生仍趯趯清游得此亦偶爾歸路應呵北臺壁爾

來又閱幾甲寅

坡公題名雖不著年月然當在熙甯甲寅乙卯間距今十三甲寅矣

殘歲

雪深平地尺兜零夜照甘泉明瓴甌寒排冰筋直空齋  
袖手氣如縷嬾向泥沙更按別何時浮海尋蓬萊落日  
孤雲感今昔

戲簡藹庭

劇憐行汲太漿跚老病侵尋強自寬草草年華隨水去  
茫茫人海覓鑿難絳宮調虎煙蘿子碧眼如貓靖長官  
君到嵩陽儻相遇金丹乞我一圭丸

飲酒和東坡送碧香酒與趙明叔韻

襍褻病鶴開籠放手版抽還付丞相養癰聊復中聖人  
日飲亡何傾越釀起扶響簪眼生纈鍵戶修真非避謗

大兒四十兩鬢霜馳檄飛書走牙帳功名不用羨達夫  
休咎何從問潘盜江皋水土最肥仁且種蔓菁佐春餉  
浹旬連陰雨雪雜作次東坡汁字韻

陰陽氣迴薄陬月時雨汁穹廬天黯澹冰鏡地蒸溼仰  
觀征鴻遰求食何所得俛聽鸞鈴飛風過羽書急毒爛  
噴蛟螭軍聲亂鵝鴨平原海茫茫野樹煙冪冪左輪染  
血殷前隊立幟赤相持隔鯉鰈極目千里白拊膺還厲  
劒怒髮欲衝幘徘徊斗室中長嘯雜歌泣默探理亂原  
豈僅府藏缺師行以順動勢況異主客矯首望長空日  
暮霰又集

左足疲曳入春彌甚再疊前韻

燒丹養砂牀繡佛供米汁求艾采鞠窮速效擬祛溼平  
生性疏嬾學道無所得椒桂含苦辛弦韋昧緩急罔趨  
羊公鶴陂躡元胃鴨譬如瓦甌器拂拭加巾綦輜材負  
重任強欲整畿赤直轡將安歸猶幸保清白風痺但昏  
睡亂髮不著幘老驥伏櫪嘶枯魚過河泣稽首兩足尊  
鑿齒半人缺無言學喑啞掃軌謝賓客莫放一尊空庶  
免百憂集

寄兒子同書三疊前韻

從軍古云樂意豈在啜汁燕城已荆榛瓜步更庠溼遙

望京口雲指縛安可得濤奔鵝鷁散風入鼓聲急唱籌  
但量沙蜨飯或煮鴨連營雖周怯薄戍尙縣幕到時榴  
花紅忽過楓葉赤支離風塵際鬚髮聞盡白肅肅霜霑  
衣霏霏雪侵幘勿爲兒女悲近聞長孫曾文凶耗側聽鬼神泣磨  
墨析鼻乾捶筆唾壺缺牙前背嵬軍幕下僧騰客何日  
凱歌還日斷江鴉集

爲林范亭觀察廷禧題課孫圖

沈沈宵漏永皎皎寒月輝琅琅誦故訓惻惻懷貞徽林  
氏有賢母行義追桓嫠撫孤三十載母也兼父師子季  
遠行役諸孫侍重闈不分梨與栗但習禮與詩中庭雙



梧桐百尺高無枝上有兩寡鵠鳴聲一何悲

觀察祖母余偕適室

陳守節撫孤

衆雛旣長成各各振羽儀一爲丹山鳳奮翼凌

雲達霜風吹枯竹斜景淪崦嵫陳情竟不待空懷反哺思悠悠一寸心長念傳經時披圖見遺象先靈尙鑒茲修名貴自立令德期無虧勛全金石操庶答河海慈

文式昂觀察格之官湖南瀕行出汪蕤卿畫扇索題卽以送別

邗江太史餐霞客驅使風濤點金碧揮毫腕底生雲煙千疊江山歸咫尺相從猶記初元秋鐫闌校藝珊網收潑藍寫出詩中畫山色湖光共一樓豈知轉眼韶華改

海畔琴聲渺難再吹破紅橋月二分題成碧落人千載  
尙留畫筵仿荆關屋外修篁水一灣數點歸帆天際遠  
祇應魂夢繞家山家山江上明如畫直接岷峨劃南戒  
半篙寒沙更無聲萬里長城誰自壞尋陽鄂渚鎮地維  
祝融鑊天連九疑蟲沙莽莽散洄洑雉堞杳杳多旌旗  
君今整豸巡衡永控制湖湘通五嶺戢亂休教蘭芷摧  
伏戎須剗荆榛梗春風駘蕩春酒溫送君南出春明門  
憑揮白羽開氛翳淨洗蠻煙瘴雨痕

上巳日兒孫輩遊城南諸寺看花用東坡韻各賦

一章輒次其韻

長安三月多風雨那得花旛護花塢幽蘭馨烈桃李蠟  
一例低頭甘受侮今朝上巳景暄妍柳嘯倉庚燕穿午  
流觴修禊古所尙假日尋春吾乞去聲汝招攜童冠恰五  
六曠朗襟懷暢風舞城南諸寺近咫尺粥鼓齋魚慣清  
苦安心且復訪遠公捧腹何勞從季主宕堯樓閣窮目  
攬窈窕煙鬟鬪眉嫵雜花爛漫發天采絕勝天街走塵  
土其參玉版藉苔茵更劬當歸栽藥圃斐然有作各言  
志感慨懽欣皆得所我今示疾類維摩空色俱忘散花  
女不煩絲竹寄懷抱肯學桔槔隨仰俯黃金躍冶無由  
成白石充饑何術煮若逢高會飲三升只合參軍作蠻

語波波誰捧水心劒千尺寒芒開玉宇棘門霸上張綏  
旌鼉憤龍愁競鑊鼓被除盟絜頌簫勺此意儻蒙天聽  
許廓清宙合滌氛埃彈壓山川剗險阻芳林重序凱讌  
詩協樂和聲歌大予

蕭山協揆師手書經語十二幅次第見示合裝成  
冊師取閱甚喜復題數行於後謂如山雞舞鏡不  
休蓋自愛其毛羽也謹賦一篇奉謝

公昔在廊廟威鳳儀中宸公今早致政海鶴超凡塵秉  
心旣清迴養壽彌精神餘事逮文翰筆力迴千鈞鸞翔  
奮仙島鵬運搏天垠下方仰苞采片羽皆足珍顧自比

山雞毋乃儼不倫小子繹經訓再拜銘諸紳翰音登天際微命昧詘仲鴛鴦弗戢翼自炫迺失身冥鴻麗魚網文雉投修罫逝辭鵷鷺班長與鷗鶩隣

主恩重憐閔謂是調養馴雕籠仍挂檻飛鳥常依人門前自羅雀庭下無縣鶉焉能鳬汜汜坐閱烏跋跋中原亂無象造物胡不仁鴟音遠近徧雁澤呻吟頻要爲鷹隼擊庶俾鳩扈民誰歟徹桑土協力匡時屯肅肅鵠集棘膠膠雞警晨何當賡翮羽雅頌垂千春

送藹庭南還兼懷粵東舊友

此番眞是賦驪歌獨立蒼茫喚奈何京國漸看朋舊少

中原況更亂離多八千里外雙鴻遠三十年來一夢過  
後會縱教期約準那堪枯樹已婆娑

旌旗杳杳萬營環路出滄瀛海岱間涉北淒涼雙堠柳  
江南破碎六朝山半篙寒沙空來去一片閒雲自往還  
珍重臨歧相慰藉衰翁久不夢鄉關

珠江煙雨布颿回到日紅雲宴正開鍊藥好尋方士宅  
飛觴重上越王臺清陰三逕饒佳趣大木千章記舊栽  
寄語炎州諸學侶濟時還仗出羣才

題胡扶山司馬仁頤所藏新羅山人楓林晚照巨  
幀

秋風生虛堂聲在畫圖裏蕭蕭寒葉戰瑟瑟涼波起開  
緘挂素壁爛熳綸丹紫霜心闌春姿冷豔浮木理斜陽  
一以照萬樹燦紅蘓餘霞不可拾散亂著藤紙平春鑒  
別精愛此入骨髓坐臥常隨身薄宦荒江涖漢陽樹丰  
茸武昌柳旖旎默觀苞孽萌靜識榮枯悵去矣若發機  
歸纔三月耳豈意鄂岳間浩劫竟如此野火燒庭槐怒  
特走文梓回思舊游處華屋滿榛杞昌黎去汴州蹤蹟  
頗相似此圖幸無恙展翫雜悲喜我家虞山岑楓葉最  
清美中峯林壑邃吾谷坡陀迤徃時步履尋據石久凝  
視空山衆籟靜胸次滌塵滓惜無大癡筆寫作行障子

風煙莽無際歸念長已矣悠悠弦子國州人光湛湛吳江

水卷圖發三喟極目傷千里

題藹庭觀察全州凱旋圖

有序

道光二十七年冬楚匪雷再浩等倡亂擾及粵西大  
府留君辦賊是時賊衆三千餘據全州之八十里山  
君招募鄉勇得四百二十八人出奇鵬勦一戰於栗  
子坪再戰於消谷灣凡兩晝夜賊大潰擒賊目八十  
餘窮迫入楚境乃還賊首雷再浩竄伏湖南之新田  
旋亦就獲大府上其功 賞戴花翎君友曾某爲作

斯圖



楚粵分區處湘源據上游黃巾方奮角絳帕尙蒙頭險  
幸雙江扼功真一戰收籌邊樓巖泉誰釋

廟堂憂

三千萌渚賊五百背嵬軍烏道盤雲入妖巢帶月焚笑  
譚消霧障笳鼓靖塵氛豈獨安桑梓應推第一勲  
偉績追藤峽奇功奏栗坪時危紆勝算事定不言兵尙  
惜趨朝蚤俄驚伏莽生披圖懷壯志儻再請長纓  
北去連三楚南來控百蠻山川雄嶺嶠鑠鑠重嚴關太  
息先幾昧渾忘後日艱燎原今至此清淚有餘潛

秋日雜感

八陁蒼莽拱

神京秋日登高百感生  
曉市錢刀喧九陌  
宵鐙碁枰動重城  
龍驤未徹長蘆戍  
虎旅先歸細柳營  
差喜郊原禾稼熟  
但銷金甲卽承平

周陟環布濁漳涯  
左輔雲屯靜不譁  
戰格重濠朝坐甲  
長圍百里夜量沙  
三秋令肅聞吹角  
九日霜清記禡牙  
問訊蘆關防守將  
幾時桑蠟臥征車

澹雲微雨壓城低  
斷續歌聲咽鼓鼙  
往日風馳經百戰  
早時電掃定三齊  
雄師忽阻高墉雉  
密網難逃尺澤鯢  
努力將軍重奏凱  
不須垂翅恨回谿

回首江皋接漢皋荆襄羣盜正如毛雨昏沌口人煙斷  
月冷磯頭鬼火高五夜城精環堞泣三重隧炭脫局逃  
傷心呵壁天難問哀郢歌成第二遭

巴陵邸閣起風雷擊楫中流氣象開不信儒生能報  
國竟邀飛將共登臺三千金翅橫江下五百瑯戈拓壁  
來陶侃勲名溫嶠節揀時須仗出羣才

濡須偃月臨鸞環秋老荆塗霍嶽間照眼麾幢三丈壘  
驚心草木八公山圻邊羣鳥焚巢避雲外雙龍挾艦還  
盼到淮淝傳露布偏師早晚下東關

佛狸祠下草青青亂後蕪城灌莽腥一片江山付唳鵠

萬家燈火化流螢蟲沙影射中天月牛斗芒寒上將星  
三十六陂秋色滿長淮金鼓不堪聽

姑孰長鯨尙怒蟠石頭城外陣雲寒孤軍轉戰三年苦  
隻手橫搗半壁難東去濤聲吞鐵甕西來山勢走銅官  
連烽更望盤龍浦海上秋風路渺漫

用東坡未字韻寄兒子同書

儒生味戎經志士恤嫠緯登高歌五噫當食發三喟獨  
居但深念聊用詩自慰黃花澹無言紫蠚瘦少味引盃  
胸填塊抵几鬚張蝟念汝久行役簡書真可畏煌煌東  
方星昏見指蜚冑幕府趨經年逐隊糜稟餼已嗟杼柚

空盡給興械費侵尋師老矣拙速古所貴安能擁貔貅  
坐視走猩狒逝埽江介塵一伸湖海氣行看露布馳及  
茲雪罪末元戎思李郭廟畧仁丙魏威稜山壓卵遺燄  
指撓沸勉抒憂

國忱庶免元龍諱

九日和東坡黃樓韻

去年重陽不可說

用東坡句

千戈萬槩平明發雷車齊碾聲

隆隆霜潦未收泥滑滑白頭京尹職轉饒籌筆橫刀縛  
韉鞞兜零百里傳宵烽蓐食三軍飽朝叩牛駝牟圖雜  
旆旌輦輦謹吹載版鋤虛過佳節轉蕭瑟但覺刑神司

肅殺一年彈指久秋風擾擾塵塵還利利已看鄂渚波  
滌蕩猶聽清漳角鳴軋黃花照眼憂難忘一釵茅柴氣  
先壓斜陽寒射積水潭煙樹濛濛城鬢鬢鐘聲虛閣臥  
葭菼人影荒陂亂鳬鴨歸來忽夢從釣徒蘆被詩成汎  
苔雪

九日對菊用東坡韻

起扶藤杖繞東籬腰腳槃珊且強持晚節逾堅經日鍊  
寒香自抱任霜欺賓鴻祇爲隨陽到鳴鶴非關好爵縻  
笠澤濛濛秋色老夢尋甫里坐支頤

送金可亨侍讀國均歸楚覲省

君恩深重忍言歸太息時艱與願違暫憩朝參辭

講幄好憑鄉信訪庭闈漢陰秋老烏嘯徹商嶺雲隨雁

影飛稍喜荆襄氛祲遠鹿門安穩著萊衣

近聞官軍克復武昌

臨歧執手更潸然忠孝原難事兩全回首觚棱在霄漢

驚心閭井隔烽煙送君歸路三千里觸我前塵十六年

予於道光戊戌乞歸養母願保晨葩無黜辱循陔常補白華篇

文孔修同年慶從羅椒生少農惇衍假得宋拓智

永千文愛不忍釋予復從孔修借觀孔修題一律

見示卽和元韻奉訓并呈椒生

山陰快雪時晴帖曾向

三天得大觀

咸豐初元蒙字真蹟如神龍

賜觀右軍快雪時晴廿八

今日重窺鐵門限臨池如飲玉泉丹題成齋曰辭何妙

賺取蘭亭事恐難擬學歐陽碑下臥手摹萬本墨壺乾

盛京大內翔鳳閣藏智永千文真蹟予曩官府丞實

掌文溯閣圖籍嘗以仲秋率僚屬曝書匆匆未

得緬視也因觀宋拓輒憶及之

陪都祕笈藏真蹟悔未當年叩閣觀妙手偷摹三副本

薩湘林都護自摹三本

仙書已奪九還丹卽看響榻流傳久如此

纖豪畢肖難紙被臥穿池水黑老來祇恨筆頭乾

十月二十日蒙



恩再賜紫禁城內騎馬恭紀和張詩船少宰韻二首

久縻芻豆合投閒何事重陪曳履班三載

盤坡循舊迹

道光庚戌曾蒙恩賜

九天綸誥荷新頒鳴珂遙和花中漏按轡回看雪後山  
努力尙思追逸足只慙臣馬已衰孱

萬騎雲屯汗血紅捷書日報快於風

連日諸道報捷

怒盤楚水

吳山外橫蹴蠻煙瘴霧中信有龍媒騰矯矯自憐駒影  
過匆匆據鞍老我懷褰鄂憑仗丹青點染工

兒子同書從軍邗上蒙

恩獎勵

賞戴花翎謹成長句二章恭紀卽以勛之

飛書馳檄謝枚舉漫說征人兩載勞六幕春光回挾纘  
三軍氣已作同袍疇能偉略追韓范側望英姿動鄂襄  
莫倚崆峒憑一劒舉頭長戴

聖恩高

雅歌杖杜逮儒臣

寵賚欣叨拜

命新璀璨三花影翠羽勤勞兩字賁

丹綸風和笳鼓官梅發日暖旌旗綵勝春磨楯會須濡  
健筆穹碑江上勒嶙峋

乙卯人日以馴鹿一頭送詩舫少宰侑之以詩  
蕉花溪水樂林泉馴養茅衡性已便故國夢隨三逕繞  
閒雲地少一弓眠正當人日思芳草合送槐庭伴老仙  
雅奏琴笙輶作畫祝君富貴更延年

喜聞元日官軍收復上海

近聞收滬瀆巨憖縛孫恩露布騰元日星馳達

帝闔兵先銷島嶼關勝奪崑崙

捷報以上元前一日至

逖聽傳諸

道同心奉

至尊

詩舫少宰視學順天用陶鳧鄉前輩樑韻奉賀

羨君遭際晚尤奇經濟文章契

主知膏雨已剪關隴後春風又到薊門時

君由秦撫藤入爲卿貳

廳聯步過三月簫節遙征勸一卮涿郡河間詩學在千

秋絕業仗維持

合是前身住大羅古稀雙鬢未全皤

君年七十一秋堂

記共論文細

辛卯同分校北關

閩嶠輸君得士多

乙酉戊子予與君先後典

閩試欲障狂瀾憑道力能扶元氣在人和曾看文教開畿

甸已聽滄瀛奏凱歌

拜命之日閩官軍克復連鎮

壘前韻寄兒子同書

怪汝年來際遇奇君平季主亦難知卻從虎帳論兵日

回憶蠶叢叱馭時投袂應捐新息苴衝冠且引舞陽危  
鞠窮麥麴都無用憑仗丹心自護持

三年磨楯來江上聞道蕭蕭兩鬢皤戰骨白看春浪沈  
烽煙青比亂山多民勞須待瘡痍復師克全憑將士和  
霖雨方濛瓜蔓長南風何日聽饒歌

吏部藤花詩和程文恭公景伊韻六首

蒼龍蛻骨化虬枝絳雪霏霏點畫墀想見匏翁親手植  
五雲判罷放衙時

巡欄瞻眺重思人劫火燒殘迹未湮不見水曹花爛漫

更無詩句鬪清新

工部亦有紫藤二本花時尤盛然題詠絕少可見物以人重也

詞壇耆宿冠清班

陶鳧

正叔才高逸興閒寫入清河書

畫舫不須粉本憶包山

去年春星齋詩船同典銓曹鳧  
卿丈繼至互有倡酬詩船仿包

山作

老幹凌空去蜿蜒新花璀璨百枝然提衡我媿來三度

僂指前蹤已五年

予於辛亥秋兼攝右侍郎去年官左  
侍郎皆未及花時今到此已三度矣

落相風裏吐香苞纓珞紛垂左右交堆案文書鈴索靜

午陰又轉海棠梢

綠蔓捎窗更壓闌雨餘清氣轉生寒雲塘詩句

程文恭  
公詩石

刻嵌南沙篆

簾前勝藤花廳三篆字乾隆  
二十年蔣文恪公溥所書

留伴花光鎮

日看

吏部廳藤花盛開疊和吳匏庵元韻二首

銓曹再至記前年惟見枯藤互結纏今日濃陰雙架滿  
明霞依舊兩行懸公餘小憩逢三月朝罷聯吟企二賢  
鳬菴遙憶皇華迎驛館有人奉籜擁瑤編謂詩吟學使  
雨洗風磨四百年龍蛇盤攫勢樛纏寫生不見包山畫  
妙筆空餘彩榜懸老我婆娑如此樹何人愛護念前賢  
佗時掌故須重紀好續垞南日下編

題畫

曲隴臨流萬樹環歸舟天際趁風還而今杳杳旌旗外  
怕看江南數點山

向父湖邊繫釣船  
潭塘蝦蟇不論錢  
夢游不見耕煙畫  
回首家山一惘然

訪澄懷諸友不遇獨坐近光樓

池臺幾處露隄垣  
厯厯亂蛛絲  
晝掩門魚靜不知新雨漲  
燕歸難認舊巢痕  
樂泉一勺源應活  
矩室三弓徑尙存  
獨倚危欄人迹悄  
西山無語又黃昏

新霽

雨脚初收夕照殷  
歸雲低擁亂峰還  
秋霖已灑高原徧  
莫被風吹又出山

紀夢



天衢淖沒軌秋雨方沍然歸來洗鞵鞢跣窗下眠迷  
離得異境忽擢扁舟還入門問婦子上堂拜慈顏音容  
尚如昔慘戚意不歡顧我面目瘠撫我衣裳單別汝未  
云久汝今已華顛語罷命之退執手涕淚漣兒今力已  
勑長願依膝前鐘聲敲夢斷起視月滿天追思辭墓出  
忽忽已七年江湖波瀾洞滿地森戈鋌松楸幸無恙何  
由展墓田轉羨長孫天承歡在重泉白雲一寸心夢繞  
家山巔生還知已矣死當長團樂

中秋偕兒子同蘇集賢院對月和東坡中秋月三

首韻

浮雲斂西山皎皎月在東陰精乘顙氣圓滿當秋中清  
輝散林岫流彩穿簾櫳雷風爲先驅氛翳掃太空羽蓋  
瑤池來鸞鳳紛相從翩然珥玉節寶鏡開瓊宮照見下  
方人莽莽成沙蟲安得不死藥救此烝黎窮月亦應有  
恨百罹悶我逢問月月不語枯沼聽魚喁

百年幾中秋歲歲傷離別中秋幾見月今夕更淒咽少  
壯不知愛良會徒虛擲晝晚過中宵此後漸虧闕呼兒  
起共翫扶我度林樾寒蟬嘯草根冷露泣松葉入門對  
孤檠辛苦向汝說齒牙零落盡骸屏梨栗鬢絲素似  
霜縞衣白於雪回首茂陵秋寸心已摧絕

孫曾守家術四壁餘淒清長男在邗上三載從軍行諸  
孫角交藝鑠院方深局老妻理刀尺寒閨聞歎聲而我  
偕季子徙倚望月明一家各分散千里難合併人生眞  
一夢相值如浮萍未能共苦樂奚必同陰晴時會有離  
合天心何重輕默觀盈虛理坐忘今古情